



Inatsisartunut ilaasortaq
Niels Thomsen
/maani

§ 37-mut atatillugu apeqqummut akissuteqaat - Niels Thomsen - tuberkulose

Inatsisartunut ilaasortaq qujassuteqarfiginiaarpara tuberkulose (TB) pillugu apeqquteqarmat.

Kalaallit Nunaanni Naalakkersuisut peqqinnissaqarfiullu TB alaatsinaattuarpaat, nappaatillu sumiissuserniarneranut katsorsarniarneranullu atatillugu kalaallit tuberkulosimut periusissaat pitsaanerpaajussasoq anguniarlugu. Tuberkulosimut periusissaq massakut atorneqartooq 2012 tikillugu atuuppoq, massakkulli misissorneqarnera aallartinneqa-reerluni. Tamanna aallartippoq Nunarsuarmi peqqinnissamut kattuffissuarmi (WHO) tuberkulosimut immikkut ilisimasallit 2010-mi maajimi Kalaallit Nunaannut tikeraartillutik periusissap misissornissaanut qaaqquneqarlutik innersuussutai tunngavigalugit.

TB nappaataavoq ersigineqartooq, siusinnerusukkullu toqumik kinguneqarajuttoq. TB ullutsinni nakorsaait atorlugit katsorsarneqarsinnaavoq toqusarnerillu qaqutigootorujussuullutik, kisiannili TB Kalaallit Nunaanni nunanut killernut naleqqiullugu suli atorneqarajuttorujussuuvooq. Tamatumunnga pissutaavoq suli inoqarmat nappaateqartunik nakorsaaitillu atorlugit iluamik katsorsartinneq ajortunik.

Nappaat inuit puammikkut tuberkuloseqartut quersorlutik toqqaannartumik serpalitsisnerisigut imaluunniit qiserneerit panerlutik pujoralannguunnerisigut tunillaassuuttarpoq. Inuit tunillatsittut ilai amerlanngitsut TB-mik nappaateqalersarput. Inuit imminnut qanillutik najugaqartut peqqissutsimikkullu imminnut paarilluanngitsut, iluamik nerineq ajortut imaluunniit arlaannik nappaateqartut napparsimalernissaminnut qaninnerupput. Meeqqat tunillanneqarsimasut inersimasunit tunillatsissimasunit TB-mik nappaateqalernissamut aamma qaninnerupput.

Taamaalilluni suliniuteqarnermit pingaarnarpaat ilagissavaat napparsimasup kimingnaanniit tunillatsissimanerata sumiissusersiniarnissaa. Taamaaliortoqarsinnaavoq tunillatsissimasut kikkunerinik paasiniaanikkut. Suliniutigineqartussaq pingaaruteqartooq alla tassaavoq napparsimasut katsorsartittut malinnaaffigineqarnissaat, taamaaliornikkut qulakkeerneqassammat nakorsaait atorlugit sivisuumik katsorsaanerup – akuttunngitsumik qaammatini 6-9-ni sivisussuseqartartooq – nappaatip iluarsineqarnissaanut pisariaqartinneqartup naammassineqarnissaa. Katsorsaaneq amigartumik ingerlanneqarsimappat tuberkulosip bakeriartai katsorsaanermmut akiuussinnaalernissaasa anneruler-

2. maj 2011
Sagsnr. 2011-049338
Dok. Nr. 620636

Postboks 1160
Tlf: 34 50 00
Fax: 32 55 05
3900 Nuuk
Email: pn@nanoq.gl
www.nanoq.gl

nissaa navianartoqarsinnaavoq, taamaallunilu iluamik katsorsarneqarsinnaanngitsunik annertuumillu aningaasartuutaasussanik tuberkulosertoqalersinnaalluni.

1. Atassuteqarfigisimasat sumiissusersinissaat pillugit apeqqutit

TB-ertumik nalaassitilluni pisariaqarpoq tunillaassortup sumiiffia nassaaarissallugu aammalu ilaqutariinni aammalu tunillatsissimasup attavigisartagaani tunillatsissimasinnaasut allat. Sumiissusersiniarnerup tamakkiisuunngitsup kingunerivaa ukiut marluk pingasut iluanni TB-mik tunillaassueqqinneq.

Sumiissusersiniartilluni ajornartorsiut tassaavoq inuit ersiuteqanngitsut amerlasoortigut kajumissuseqarneq ajornerat misissuinernut ilaassallutik.

Sumiissusersiniarneq sunniuteqarluarnerulersitseqataaffigissagaluarnerlugu inatsisinit atuutilersitsineq inunnut pinngitsuugassaajunnaartitsisut tuberkulosemut misissuinernut aggersarneqartunut sumiissusersiniarnermi misissortissallutik?

Aamma Naalackersuisut tamatumani eqqarsaatiginerlugu periarfissaliissut atussallugu, 1. januar 2002-miit Naalackersuisunut pisinnaatitsisoq aaliangersaavigisinnaatitsisoq inuit kikkut imaluunniit inuit eqimattat tuberkulosemut misissortissasut? (Pisinnaatitsissut Nappaatit tunillaassortut akiorniarlugit iliuitsit pillugit Inatsisartut peqqussutaat nr. 20, 12. november 2001-imeersuuvoq).

Atassuteqarfigisimasat sumiissusersinissaat pillugit apeqqummut 1-imut akissuteqaat:

Atassuteqarfigisimasat sumiissusersinissaat taaneqartutut TB-mut suliniuteqarnermi pingaarnepaat ilagaat. TB Kalaallit Nunaanni suli nappaataavoq ersigineqartut ilaat, taamaammallu atassuteqarfigisimasat sumiissusersinerisigut misissortikkiartortoqartannginnera misissortikkumanginnermik pissuteqanngilaq. Naalackersuisut isumaqarput atassuteqarfigisimasat sumiissusersiniarneranni pinngitsaaliilluni peqqusinissat periarfissatut atorineqartariaqanngitsaq, kisiannili taamaallaat pinngitsaaliilluni aggeqqusisoqartassasq TB-mik napparsimasq tunillaasinnaasorlu katsorsartikkiartornissaa periarfissanngippat.

Atassuteqarfigisimasanik nassaarniarnissaq annertuumik nukinik atuiffiusinnaavoq. Peqqinnissaqarfiup misilittagaqarfigaa atassuteqarfigisimasanik sumiissusersiniarneq periarfissaasinnaasq anguniagaqarfiusumik suliniuteqaraanni aningaasanillu naammattunik immikkoortitsisoqarpat.

TB inuiaqatigiinni ilisimaneqarluarpoq inuiaqatigiinnilu kikkugaluartuni atorineqarsinnaalluni. Taamaammatt inuit kikkut imaluunniit inuit ataatsimoortukkaat kikkut tuberkulosimik misissortittussatut maleruagassanik aalajangersaaffigissallugit ajornakusoorpoq,

soorlu tamanna erseqqissarneqartoq Inatsisartut peqqussutaanni nr. 20, 12. november 2001-imeersumi § 25-imi.

2. Kapitinnerup pinngitsuugassaajunnaarsinnaanera pillugu apeqqut

BGC-mut kapitinneq TB-mut ilaatigut illersuutitut sunniuteqarpoq. Sunniulli ataavartuunngilaq.

Ullumikkut nammineq aaliangerneqartarpoq meeraq tuberkulosemut kapitinniarnelugu. Peqqinnissamik nakkutilliisoqarfiup kisitsisaatai malillugit meeqqat kapitittartut annertususaat qaffasippoq (Peqqinnissamik nakkutilliisup ukiumoortumik 2006-mut nalunaarutaa malillugu 96 % sinnerlugu). Kapitinnermulli nalunaarsuineq kukkuneqarpoq annertuumik nalorninartumik aammalu misissuinerni nutaajunerusuni erserpoq meeqqani misissuinnermut peqataasuni sisamararterutingajaat kapitissimannngitsut.

Naalackersuisut suut eqqarsaatigivaat periarfissaq TB-mut kapitittarneq pinngitsuugassaajunnaarsinnissaa pillugu?

Kapitinnerup pinngitsuugassaajunnaarnissaanera pillugu apeqqut 2-mut akissuteqaat

Tuberkulosimut kapitinneq (BCG-mik kapitinneq) kapitinnerit allat tamaasa assigalugit nappaammut illersorniarluni innuttaasunut tamanut neqeroorutaavoq.

Pitsaanerusementik kapitittarnernut nalunaarsuisoqartarnissaa ingerlaavartumik sulissutigineqarpoq. Kapitittarnernut nalunaarsuisarneq 2011-mi aallartittoq qarasaasiakkut nalunaaruteqarnermik aallaaveqarpoq, tamatumalu kapitinnerup malittarinissaanut periarfissat pitsanngortissavai. Naak kapitittarnerup nalunaarsorneqartarnera siusinnerusukkut nalorninartoqartutut isiginiarneqaraluortoq Nunatsinni Nakorsaaneq isumaqarpoq meeqqat inoorlaat tamarmik BCG-mik kapitissimassasut.

Ilumoorpoq tuberkulosimut kapitinneq meeraanermi ajunnginnerpaamik illersuisinnaamat, taamaammallu BCG-mik kapitinnissaq inoorlaanut tamanut neqeroorutaavoq. BCG-mik kapitinneq ukiuni amerlasuuni neqeroorutaavoq, ukiut 1990-mit 1996-imut arlaqartut eqqaassanngikkaanni.

BCG-mik kapitinneq tuberkuløs meningitis-imut (tuberkuløs hjernehindebetændelse) meeqqanut illersuutaasinnaanera takussutissaqarpoq. BCG-mik kapitinnerup inuunerup ilaani tunillatsissinnaaneq pinngitsoortissinnaanngilaa. Taamaalilluni BCG-mik kapitinneq innuttaasuni tuberkulosip piioneerutsinnissaanut atorneqarsinnaanngilaq.

Ilisimatuut suleqatigiissut arlallit, taakkunannga Statens Serum Institut-imeersaq ataa-seq, TB-mut kapuummik inuup tunillanneqarnissaanik pinngitsoortisisinnaasumik taamaalillunilu TB-mik napparsimalinngitsoortisisinnaasumik suliniuteqarput.

3. Tarrarsuilluni suliniuteqarnerup annertusinissaa pillugu apeqqu

Ukiut marlukkaarlugit Kalaallit Nunaata kujataani tarrarsuilluni misissuigasuartoqartarpoq. Taassumap saniatigut Kalaallit Nunaata kujataanut tuberkulosemut peqqissaasumik atorfirmik pilersitsisoqarnikuvoq.

Kalaallit Nunaata kujataani ukiut kingulliit ingerlanerani tuberkulosertut amerlasuut siu-morneqarput, aammali taamaappoq Tunumi (sualummik Tasiilap eqqaani).

Naalackersuisut nalilernerlugu aamma Tasiilami nunaqarfiinilu ukiut marlukkaarlugit tarrarsuilluni misissuisarnissaq eqqarsaatigissallugu tunngavissaqarsinnaasoq, immaqa tapertaliunneqarluni Tunumut tuberkulosemut peqqissaasoq?

Ullumikkut meeqqat atuariiini atuartut neqeroorfigineqartarput tarrarsortissallutik (Quantiferontestimik), atuarnertik aallartikkaagamikku naammassigaagamikkulu.

Naalackersuisut nalilernerlugu tunngavissaqarsinnaasoq eqqarsaatiginissaa suli atatsimik tarrarsuisarnissaq, assersuutigalugu atuarluni ingerlareernerup qeqqani?

Eqimattat immikkoortut ajornerusumik akiuisinnaassuseqartarput TB-mik tunillatsinnisamat aammalu tuberkulosemik aktivimik ineriartortoornissamat. Ilaatigut tamanna atuuppoq sukkortunut inunnulu TB-mik tunillanneqaqqareernikuusimasunut.

Naalackersuisut suut isumaliuutigivaat immikkut tunillatsissimasunut nalliuteqqittartumik tarrarsuisarneq atuutilersissallugu periarfissaq pillugu?

Tarrarsuilluni misissuineranut peqataanissaq ullumikkut nammineq aaliangerneqartarpoq. Tamanna ukioq allortarlugu Kalaallit Nunaata kujataani innuttaasunut meeqqat atuarfiinilu atuartunut aallartittunut naammassisunullu atuuppoq.

Ilisimangilara qassit ullumikkut tarrarsortinnissamik neqeroorut naaggaartarneraat, ki-siannili assersuutigalugu 2006-mi Kalaallit Nunaata kujataani nunaqarfinni najugaqartuni qinguartaalluni misissuinermit peqataasut taamaallaat 68 procentiupput. Peqataasut annikitsillugit sunniuteqarluartumik tuberkulosip siararternerata akornusersornissaa ajornakusoorpoq.

Naalackersuisut suut isumaliuutigivaat tarrarsuinerneq peqataanissaq pinngitsuugassaa-junnaartinnissaa pillugu – assersuutigalugu pisinnaatitsissut Naalackersuisut 1. januar

2002-miilli pigisimasaat malittarisassatigut aaliangersaavigisinnaallugu inuit kikkut eqimattalluunniit tuberkulosemut misissortissanersut?

Tarrarsuilluni suliniuteqarnerup annertusinissaanut apeqquut 3-mut akissuteqaat

Peqqinnissamik Nakkutilliisoqarfiup nuna tamakkerlugu TB pillugu periusissami aggersumi saqqummiussissummi kaammattuutigaa røntgen atorlugu tarrarsuisarneq Kujataani ingerlanneqartartoq ukioq allortarlugu unitsinneqartassasoq, tassanimi angusarineqartut nukinnut atorneqartunut naleqqiullugu naammagineqanngimmata. Tamanna pivooq WHO-mi tuberkulosimut immikkut ilisimasallit siunnersuuteqarnerisigut.

Naalakkersuisut taamaalillutik Tunumi røntgen atorlugu tarrarsuisarnissat allat aallartinissaat pissusissamisoortutut isiginngilaat TB-mulli periusissamut saqqummiusseq tapersorlugu, tassani TB-p akiorniarnissaanut periutsit allat sunniuteqarnerusinnaasullu siunnersuutigineqarmata.

TB-mik akiuniarnermut pingaaruteqarluni ilaavoq sulisut toqqakkat suliassamik suliagarnissaminnut piffissaqarluartut toqqarnissaat. TB-mut peqqissaasut tassunga atatillugu immikkut pingaaruteqarput, taakkumi – TB pillugu pisunut immikkut ilisimasaqarnermikkut takunnissinnaanermikkullu – suliniuteqarnerup atajuarnissaanut ataqatigiissarneqarnissaanullu qulakkeerinnittussaammata.

2010-mi Tunumi TB-p qanoq atugaatiginera tunngavigalugu Tunumi utaqqiisaasumik TB-mut peqqissaasutut atorfik 1. september 2010-mit pilersinneqarpoq. Atorfik TB-mut aningaasanit (ilaatigut TB pillugu frimærkimit iluanaarutinit) kiisalu Peqqinnissaqarfimmi Aqutsisut ajunngisaarnerisigut aningaasalersorneqarpoq. Atorfik 2011-p naanissaata tungaanut aningaasalersorneqarallarpoq.

Taakku saniatigut nuna tamakkerlugu TB-mut peqqissaasut Nuummi najugaqartut aalajangersimasut pigineqarput kiisalu Kujataani ukiuni tallimani atuuttumik TB-mut peqqissaasutut atorfik 2012-imi atorunnaartusseq pigineqarput.

Peqqinnissamik Nakkutilliisoqarfiup nuna tamakkerlugu TB-mut periusissamut aggersumut saqqummiussami kaammattuutigaa meeqqanut atuartunut tarrarsuisarneq atuallernermi atuarunnaanermilu pisartoq unitsinneqassasoq, tassani angusarineqartut nukinnut atorneqartunut naleqqiullugu naammagineqanngimmata.

Taamaammat Naalakkersuisut isumaqarput atuarfinni TB-mik tarrarsuisarnerit allat aallartissallugit pissusissamisuunngitsoq, kisiannili tuberkulosip akiorniarnissaanut periutsit sunniuteqarluarsinnaanersut allat pillugit siunnersuummik tapersersuillutik.

Kalaallit Nunaanni TB-mik akiuniarnermi pissutaaqataasut pingaarnersaapput siusissukkut nappaat paasineqartarmat, katsorsaaneq sunniuteqarluartooq nakkutiginninnerlu aallartinneqartarmata kiisalu atassuteqarfigisimasat kinaassusersiniarneqartarmata, taamaaliornikkullu tunillaanissaagaluaq unitsinneqartarluni. Naalakkersuisut nalilerpaat tassani nukit atorneqarlutik innuttaasut aalajangersimasut tarrarsornagit suliaq ingerlasariaqartoq.

Erseqqissaatigineqartut tunngavigalugit pissusissamisoortutut isigineqanngilaq tarrarsortittarnissamut suliniutit pinngitsoorani ingerlanneqartalissasut.

4. Nakorsartillutik unitsitsisartut pillugit apeqqu

TB-mut nakorsartinneq sivisuvoq aallaavittullu qaammatini arfinilinni ingerlasarluni. Tamanna atuuppoq inunnut aktivimik tuberkulosertunut aammalu pinaveersimatitsilluni nakorsaannermi inunnut takussaangitsumik tuberkulosertunut (tassa inuit nappaammik tunillatsissaimasut kisiannili suli atuutilersimanani).

Nakorsartinnerup sivissusaata ajornakusoortilersinnaavaa ataasiakkaap nakorsartiinnarnera ingerlatiinnassallugu. Tamanna ingammik atuuppoq inunni ersiuteqanngitsuni. Kajumissaarutigineqarnera nakorsartinnermi imigassartorneq killilersorneqassasoq sapinngisamillu iminngivissortoqassasoq immaqa aamma ilaatigut nakorsartiinnarnissaq ajornakusoortilertarpaa.

Taamaattumik nunat ilaanni TB-mik eqqugaaffiusuni malitatut ingerlatseriusitut atornerarpoq toqqaannartumik nakkutiginnilluni nakorsaatini iisititsineq (DOT). Tamassumap kinguneraa napparsimasup nakorsaatissani pisassagaa ullut tamaasa napparsimaviliartarnikkut, imaluunniit ullut tamaasa peqqinnissaqarfimmi sulisunit angerlarsimaffimmut orninneqartarnikkut (angerlarsimaffimmi peqqissaasoq).

Periuseq tamanna Kalaallit Nunaanni aaliangiussamik malinneqanngilaq, taamaallaalli immikkut pissutissaqartillugu isumaqarnissaq nakorsartittup nakorsartinneq malissanngikkaa.

Naalackersuisut suut isumaliuutigivaat malitatut ingerlatseriusissaq pillugu periarfissatut DOT atuutilersissallugu imaluunniit periarfissatut allatut nakorsartittoq sapaatip akunnikuutaartumik aggersarneqartarnissaa?

Nakorsartillutik unitsitsisartut pillugit apeqqu 4-mut akissuteqaat

Pingaarnepaajuvoq TB-mik katsorsaannerup ingerlanneqarnissaa, mannaluk qulakkeerniarlugu peqqinnissaqarfimmi malunnartumik suliniuteqartoqassasoq; suliniutigineqartoq siunissami suli pingaartinneqarnerulluni suliassaqarfittut WHO-mit aamma toqqarneqartoq. Tassunga atatillugu nakorsaatini iisinermut atatillugu ullukkaartumik malinnaasinnaaneq periarfissat ilagaat (DOT).

DOT katsorsaannerup sunniuteqarluartumik ingerlannissaata qulakkeernissaanut pingaaruteqarluni nakorsaatinullu akiuussinnaanissaa pinngitsoortinniarlugu atorussatut nalilerneqarpoq. DOT nuna tamakkerlugu TB-mut periusissamut aallartinneqartumut ilanngunneqarpoq nunalu tamakkerlugu TB-mut periusissamut aggersumut pingaaruteqarluni atornerqartussaassalluni.

Taamaattorli Kalaallit Nunaanni nunap inuiaqatigiillu aggorneri kiisalu nukissat atornerqartussat eqqarsaatigalugit DOT-imut tunngatillugu kalaallinut naleqquttumik peqarto-

qartariaqarpoq. Taamatutaaq nalilerneqarpoq nakorsaatinik iisarnep qulakkeerne-garnissaanut atatillugu attaveqaqatigiinnerit nutaanerit atorveqarsinnaaneri qanoq pe-riarfissaqarnersut.

5. Paasissutissiinerit pillugit apeqqutit

Naalakkersuisut isumaliuutiginerlugu TB-mut pinaveersaartitsinermit suliniuteqarnermut tunngasoq paasissutissiinermit aallaaviilik nukittorsassallugu?

Ullumikkut nalinginnaangitsuunngilaq inuusuttut cigaretsimik avitsisarnerat, imaluunniit puujaasamik ingerlaartitsisarnerat. Taamaattoqarnera nassuiaataaqataasinnaanerluni TB-p ukiuni ukunani aamma inuusuttunut eqquisarneranut, nalinginnaasumik tunillatsis-sinnaasut akornanniingitsuugaluit – aammalu isiginniffik tamanna ilaanerluni Naalak-kersuisut maanna TB pinaveersaartinniarlugu paasisitsiniaasarnernut?

Paasissutissiinerit pillugit apeqqut 5-imut akissuteqaat

Kalaallit Nunaanni inuup cigaretimik allamik pujortaqateqarneratigut imaluunniit puiaa-samik allamik imeqateqarneratigut TB-mik tunillaasoqarsimaneranut paasissutissanik peqanngilagut, kisiannili navianartoqarsinnaanera tassaniippoq.

TB-mut periusissami massakkut atuuttumi aggersumilu ilisimasamik paasitsiniaanissaq ilaalluni TB-mik akiuiniarnissami pingaaruteqarluni ilaavoq. Innuttaasunut ataatsimut ilisimasamik paasitsiniaanissaq pisariaqartinneqartuassaaq, immikkut paasisitsiniaaffis-anut kiisalu peqqinnissaqarfimmi sulisunut.

Peqqissuunissaq eqqarsaatigalugu sammisassat, soorlu assersuutigalugu cigaretimik allamik pujortaqateqarneq imaluunniit puiaasamik avitseqateqarneq, paasitsiniaaner-mut aamma ilaassapput, tassami napparsimalernissamut pissutaasinnaammata ima-luunniit pingaarnerpaatut pissutaasinnaammata.

Nalinginnaasumik eqqiluisaarnissaq peqqissuunissamullu piumasaqaatit tunillaassuini-sap pinngitsoortinnissaanut pingaarnertigut ilisimasassaapput – aamma TB-mut atatillu-gu.

6. Peqqinnissaqarfimmi sulisut TB-mut ilisimasaqarnerisa nukittorsarneqarnissaa pillugu apeqqut

Kalaallit Nunaanni peqqinnissaqarfimmi sulisut akornanni paarlagiaanneq annertuvoq, aammalu nunani killerni TB-p takussaana annikittuaraammatt sulisut tikisitat nalin-ginnaasumik TB annikittuinnarmik misilittagaqarfigisarpaat. Tamassuma nappaatip sia-ruannginnissaanut sunniuteqarluartumik suliniuteqarnissaq ajornarsisissinnaavaa. Taa-maattumik aamma ukiunut tallimanut pilersaarummi ullumikkut nunatsinni pinaveersaar-titsilluni iliuuseqarniarnermi peqqinnissaqarfimmi sulisut ilinniartinneqqaqinnissaannut ilinniartitsinermit atortussamik sananeq ilaavoq.

*pinaveersaartitsilluni iliuseqarniarnermi peqqinnissaqarfimmi sulisut
ilinniartinneqqaqqinnissaannut ilinniartitsinermi atortussanik sananeq ilaavoq.*


*Ilinniartitsinermi atortussanik suliaqarneq naammassineqarsimanerluni, aammalu
peqqinnissaqarfimmi sulisut ilinniartinneqqaqqinneranni atorneqalereersimanerlutik?*

**Peqqinnissaqarfimmi sulisut TB-mut ilisimasaqarnerisa nukittorsarnissaa pillugu
apeqqut 6-imut akissuteqaat**

Peqqinnissaqarfimmi sulisut TB-mut najoqqutassaq aqutigalugu TB-mik
pisariaqartumik ilisimasaqalernissaat pillugu annertuumik suliniuteqartoqareerpoq. TB-
mut najoqqutassaq peqqinnissaqarfimmi sulisunut IT atorlugu paasititsiniaaffiuvoq
ingerlaavartumik nutarnerneqartartoq. TB-mut najoqqutassaq peqqinnissaqarfiup
intranetia Peqqik aqutigalugu sulisunit tamanit atorneqarsinnaavoq.

TB-mut najoqqutassaq TB-mut ataqatigiissarisunut pikkorissartitsinermut
atorneqarpoq, kisiannili aamma peqqinnissaqarfimmi sulisut ataasiakkaat ilisimasanik
ujarlerfissaattut eqqarsaataalluni.

Inussiarnersumik inuulluaqqustillunga
Med venlig hilsen



Agathe Fontain